

# FALEMELI O SAMOA

## FA'AMATALAGA

### O

## SINI AUTASI

# 2021 – 2024

---

## FA'AMATALAGA ILE PALEMENE



1 Aperila 2020

Afioga i le Fofoga Fetalai  
Fono Aoaofaitulafono a Samoa  
MULINU'U.

Afioga e,

E tusa ai ma le Vaega VI, puipei (4) o *Tulafono o Fa'alapopotoga a le Malo 2001*, e tu'uina atu ai lenei Lipoti o le Fuafuaga Autasi ma Fa'amatalaga of Sini Autū, a le Falemeli o Samoa, mo le piliota 2021 -2024, mo le talanoaina e le Fono Aoaofaitulafono.

### **Sini Autu a le Falemeli o Samoa**

Ia ausia matatia fuafuaina, i le tuuina atu o auaunaga taugofie, fa'atuatuaaina, maua gofie, ma ia maua ai foi ni tupe faasili. Ia le gata i auaunaga tau meli, a'o auaunaga e fa'aaogaina ai fesootaiga televave faaneionapo atoa ai ma auaunaga o tupe faamomoli, mo le mamalu o le atunuu ma paaga i atunuu mamao.

### **Va'aiga Taula'i i le 'ausiaina o Sini Galue**

Ia faatāuaina fesootaiga faaneionapo, e faatelevave ai auaunaga i meli afifi, meli momoli vave ma oloa e faatauina i luga o initaneti. Ia faamalosi foi, le faaleleia o fesootaiga tekonoosi, e maua ai auaunaga fou ma auaunaga i tupe faamomoli, ma unaia ai taumafaiga a le Malo, e faatelevave le tamaoiga e faaogaina ai fesootaiga televavave.

Ma le faaaloalo,

Afamasaga Tolesulusulu Lepuia Rico Tupa'i

**MINISITĀ O LE FALEMELI O SAMOA**

## Fa'asinoga o Mataupu

1. Fa'avae Fa'alētulafono.....itulau 4
2. Fa'amatalaga o le Fa'alapotopotoga.....itulau 5
3. Vaaiga tulai, Sini Galue ma Taiala.....itulau 7
4. Sini Galue ma Fua Faatatau.....itulau 8
5. Faamatalaga o Tupe.....itulau11
6. Atinae Fuafuaina ma le Faatupeina .....itulau 13
7. Lalolagoina o Faiga Faavae a le Malo....itulau 14
8. Aafiaga ma Auala e Faaititia ai.....itulau 15
9. Fuafa'atatau o Tufatufaga .....itulau 16

## 1. FA'AVAE FA'A-LE-TULAFONO

O lo'o fa'atinoina galuega a le Falemeli i lalo o le fa'asinomaga mo taiala, ma tulafono e fa'apitoa mo le Falemeli o lo'o ta'ua i lalo:

- *Tulafono o Galuega Tau Meli 2010*
- *Tulafono o Kamupani 2001*
- Tulafono fa'atonutonu e aofia ai le *Tulafono o Fa'alapotopotoga a le Malō (Fa'atinoina o Galuega ma le Mautali Atu) 2001*, ma le *Tulafono Tau le Pulea o Tupe a le Malō 2001*.

Na fa'atuina le Falemeli o Samoa e tusa ma tulafono fa'atonutonu e pei ona ta'ua i luga, ma faatulaga ai o se Faalapotopotoga Tumaoti a le Malo. O galuega faatino e gafa lea ma le Pulega, ao le Komiti Faatonu, ua gafa ma le saunia o le Fuafuaga Autasi. E galulue uma i lalo o le pule fa'amalumu a le Afioga i le Minisitā, ia mautinoa e o gatasi ma Fuafuaga alualu mamao a le Matagaluega o Fesootaiga, aemaise o manulauti fa'ataatitia a le Malo i le lumanai.

O le matafaioi patino a le Komiti Faatonu, ia mautinoa le ausia o taiala i auaunaga, tupe maua ma tufatufaga totogi atu i le Malo e tusa ai ma le Fuafuaga Autasi 2021-2024. O le matafaioi lenei, ua avea ma faasinomaga mo le mata'itūina o tiute faatino a Komiti Faatonu.

### 1.1. O le siosoimaga Faaletulafono o galuega Tau Meli 2020

O le faasinomaga autu o galuega a le Falemeli, o loo aiaia i le tulafono o *Galuega Taumeli 2010*, na faatuina ai lenei Faalapotopotoga a le Malo.

O Samoa o le sui auai i le Iuni a Falemeli o le Lalolagi, ma ua avea ai le Falemeli e fa'atinoina tiute tauave i galuega tau meli. O lenei Iuni ua avea ma faamalumu mo Falemeli e laititi le tamaoaiga, mai tulafono faavaomalo, o galuega faatino tau meli, ma le siitai ai o tau o auaunaga. E faatino e le Iuni poloketi faapitoa mai i lea taimi i lea taimi, e fesoasoani ai i falemeli i atunuu e vaivai le tamaoaiga, ia mautinoa e le'o tuulafoaia i latou, ao saosaoa pea le agai i luga o suiga i maketi o feafaatauaiga.

## 2. FA'AMATALAGA O LE FALEMELI O SAMOA

### *2.1 Tala'aga o le Falemeli o Samoa*

O le Falemeli o Samoa, o se fa'alapotopotoga mo 'au'aunaga tau-meli lautele mo le atunu'u e pei ona aiaia ai e le tulafono. E mataituina ona tiute fai e le Matagaluega e Pulea Faalapotopotoga Tumamoti a le Malo, ia mautinoa e mulimulita'i ma ausia taiala faaletulafono. I lona aotelega, ia maua tupe faasili, ma ia mafai ona totogi atu tufatufaga mo le Malo i tausaga taitasi.

E anoanoa'i suiga tetele i le siosiomaga tau fesootaiga, ma aafia tele ai auaunaga masani tau meli. O manulauti tulituliloa i lenei piliota, ua faaaaogaina ai fesootaiga faa-tekonolosi e faaleleia atili ai auaunaga masani, sailia o ni auaunaga fou ma ni faiga paaga fou, pe ā malosi ma mautū fesootaiga faaneionapo.

Ua fuafuaina se vaega tupe tele mo le faamallosia o galuega tetele i lenei piliota. O le faalauteleina o fesootaiga i initaneti, ma le maua e tagata uma o avanoa i auaunaga o tupe faamomoli, e tali atu ai i suiga o maketi i fefaatauaiga i lenei vaitau. Ua faamamafaina fesootaiga faaneionapo, ona ua maitauina le siitia o le faitauaofa'i o le atunuu e faaogaina fesootaiga i telefoni feavea'i. Ua maitauina foi le fesootai pea o tagata i luga o initaneti, ona o le televavave o nei fesootaiga, ma ua manaomia ai e tagata auaunaga ia ausia foi nei tulaga televavave.

O lo o faatinoina pea galuega a le Falemeli, e aunoa ma se fesoasoani tau tupe, mai le Malo, ma, e ono i ai ni aafiaga i le tuuina atu o auaunaga lautele, e leai ni tupe māmā faasili e maua mai ai, aemaise lava i auaunaga o loo faatinoina e falemeli faa-itumalo. O lenei tulaga, e fa'auau ai pea le fa'aitiitia o tupe māmā faasili ma tufatufaga i le Malo, i le agai atu i le lumana'i.

O le fa'atupula'ia pea o le fa'aogaina o feso'otaiga fa'atekonolosi mo le atina'eina o le tamaoaiga o le atunu'u, ua aafia tele ai auaunaga tau meli, aemaise lava i atunuu e vaivai le tamaoaiga, ona e le gata i le toaitiiti o le faitau aofai o tagata, ao le vaivai o totogi ma tupe maua a tagata. O le siitia o auaunaga faatekonolosi ma meli faatauina i luga o initaneti, i atunuu e malolosi le tamaoaiga, e le'o mafai ona maua i totonu o Samoa, ona e le gata i le laititi o si o tatou atunuu, vaivai tupe maua a tagata, ma le laititi o avanoa mai faletupe, e mafai ai ona faatino e o tatou tagata fefa'atauaiga i luga o initaneti.



---

O le mata'itūina lelei e le Falemeli o nei suiga i maketi ma pisinisi ma ona a'afiaga, o le malosiaga lea, e mafai ai ona vave fa'atino suiga talafeagai e tali atu ai, ma fa'aititia ai a'afiaga i 'au'aunaga i totonu lava o si o tatou atunuu.

E faamalosiā pea fesootaiga vavalalata ma le Iuni o Falemeli o le Lalolagi ma le Iuni o Falemeli o Asia ma le Pasefika, o sootaga malolosi ia, mo fesoasoani i poloketi mo le faaleleia o auaunaga, o le faaleleia o mea faigaluega, ma aoaoga, e faamalosiā ai le tali atu i suiga i maketi o fefaatauaiga, ma le saosaoa o fesootaiga faaneionapo.

O auaunaga faapitoa lava mo le Falemeli e pei o meli tusi ma afi'fi, pusa meli ma fa'ailoga tusi, e itiiti lava ni tupe e maua mai ai, e lē gafatia ona tali atu i le tulaga fa'aletonu ma suiga i fesootaiga fa'aneionapō, ua fa'aogāina e le mamalu o le atunu'u.

O auaunaga fa'apisinisi, e a'afia pea i le laititi o si o tatou atunuu, ma le laititi o le tamaoaiga, atoa ai ma le tele o kamupani, o lo'o fa'atinoina foi nei 'au'aunaga, ma atili fa'aititia ai pea tupe fa'asili, ma tufatufaga i le Malō, i le aga'i atu i le lumana'i.

E tumau pea le fa'atinoina o galuega a Falemeli faa-itumalo i se tulaga maaleale, ona o le leai oni tupe māmā faasili e maua mai ai. Peitai e tulituliloa pea le vaaiga mamao, o le tuuina atu o auaunaga mo nuu i tua e tusa ai foi ma *Tulafono a le Iuni o Falemeli o le Lalolagi*, ma le *Tulafono o Galuega Taumeli 2010*.

### 3. Vaaiga Taula'i, Sini Autū ma Ta'iala

#### *Vaaiga Taula'i*

Ia ausia matatia fuafuaina, i le tuuina atu o auunaga taugofie, fa'atuatuaaina, maua gofie, ma ia maua ai foi ni tupe faasili. Ia le gata i auunaga tau meli, a'o auunaga e fa'aaogaina ai fesootaiga televave faaneionapo atoa ai ma auunaga o tupe faamomoli, mo le mamalu o le atunuu ma paaga i atunuu mamao.

#### *Sini Autu ma Taiala*

Ia faatāuaina fesootaiga faaneionapo, e faatelevave ai auunaga i meli afifi, meli momoli vave ma oloa e faatauina i luga o initaneti. Ia faamalosia foi, le faaleleia o fesootaiga tekonolosi, e maua ai auunaga fou ma auunaga i tupe faamomoli, ma unaia ai taumafaiga a le Malo, e faatelevave le tamaoiga e faaogaina ai nei fesootaiga televavave.

#### *Taiala ma Agavaa*

- Talitonuina lana 'au'aunaga.
- E iai tu'uina atu 'au'aunaga ānoa, e tusa ma tupe o lo'o totogi'ina e Tagata.
- Fa'amaoni.
- E le fa'aitu'au lana 'au'aunaga.
- Taua taimi e fa'atino ai galuega.
- Fa'atuatuaaina.
- Fa'amoemoeina.
- Malamalama galuega fa'atino uma.
- Mafai ona tali atu i le au faisea ma Tagata lautele.
- Fa'amalosia le galulue felagolagoma'i ma fefa'asoa'i i le i le fa'atinoina o galuega.
- Fa'atino galuega i luga o 'ai'aiga ma fa'avae fa'a-le-tulafono e pei ona i ai.
- Fa'atunauina tulaga maualuga i le faatinoina o galuega.
- A'oa'oina lelei le 'aufaigaluega i agava'a mo'omia ma suiga.
- E fa'atauaina le taula'i o 'au'aunaga i manaoga o le mamalu o le atunuu.

## 4. SINI AUTU MA FUA FAATATAU

### 4.1 Sini Galue, Auala e Ausia ai ma Fua o Galuega

Sini Autu	Auala e ausia ai	Fuafaataau o Galuega
<p><b>1. Auaunaga Tau Meli.</b></p> <ol style="list-style-type: none"> <li>Sailia avanoa e faatupulaia ai tupe maua mai auaunaga tau meli i tausaga taitasi;</li> <li>Ia mulimulitaia taiala mi le Iuni a Falemeli o le Lalolagi, e aofia ai fesootaiga televavave mo le puipuiga o le saogalemu ma le aoina o lafoga mai meli felaua'i;</li> <li>Ia ausia taiala o auaunaga mai le Iuni Falemeli o le Lalolagi e aafia ai tupe totogi mai mo le Falemeli;</li> <li>Ia faaauau le 'ao'aoina lelei o le aufaigaluega i tomai faatekonolosi tmo le lumanai o galuega tau meli;</li> <li>Ia mautinoa e maua mai ni poloketi e faaleleia ai galuega faatino taumeli, mai le Iuni o Falemeli o le Lalolagi i lenei piliota; ma</li> <li>Iloilo tau faatulagaina mai Iuni oo Falemeli o le Lalolagi i taimi talafeagai.</li> </ol>	<ol style="list-style-type: none"> <li>Ia sailia se faigapaaga mo oloa faatauina i luga o initaneti i tausaga taitasi;</li> <li>Fa'aaoga fesootaiga faaneionapo e tuuina atu ai faamatalaga uma tau meli e pei ona faatulafonoina;</li> <li>Siitia tupe maua mai meli felauai;</li> <li>Saunia ma faatino polokalame mo le aoaoina o le aufaigaluega i tausaga taitasi;</li> <li>Sailia ni poloketi e faaleleia ai fesootaiga faaneionapo ma taumafai ina ia siitia meli felafoa'i.</li> <li>Ia mataitū siitaga o auaunaga mo meli, ia ogatasi ma suiga ma faatino suiga talafegai i totogi faatapulaa mo nei auaunaga.</li> </ol>	<ol style="list-style-type: none"> <li>Ia ausia tupe maua fuafuaina mo galuega tau meli i tausaga taitasi;</li> <li>Ia ausia taiala i auaunaga i meli e pei ona aiaia ai e le Iuni o Falemeli o le Lalolagi;</li> <li>Ia aoaoina lelei le aufaigaluega, ma maua ni aoaoga se 2 mo atunuu mamao;</li> <li>Ia ausia taiala o poloketi fesoasoani mo le falemeli; ma</li> <li>Iloilo ma fautuaina le siitaga i auaunaga lautele e o gatasi ma suiga i tau faataau o meli.</li> </ol>
<p><b>1. Auaunaga Faaopopo</b></p> <ol style="list-style-type: none"> <li>Sailia avanoa mo ni faigapaaga e mafai ona maua ai faailoga tusi mo galuega tau meli, e aunoa ma tupe faaalu a le Falemeli;</li> <li>Ia siitia tupe maua mai galuega o le faatauina o Faailoga tusi faapitoa i tausaga taitasi i le 1%;</li> <li>Sailia ni auaunaga ma oloa fou faaoga ai fesootaiga televavave, e faalautele ai</li> </ol>	<ol style="list-style-type: none"> <li>Saili se paaga faapisinisi mo Faailoga Tusi mo le piliota, ia fa'a'aititia tupe faaalu i lea vaega;</li> <li>Saili foi se paaga faapisinisi mo le faatauina o faailoga tusi faapitoa i atunuu mamao;</li> <li>Maua ni auaunaga faaopopo i auaunaga o loo i ai, ma siitia ai auaunaga mo falemeli i Savaii; ma</li> </ol>	<ol style="list-style-type: none"> <li>Ausia tupe maua mai faatauga o faailoga tusi; ma</li> <li>Ia ausia Tupe fuafuaina mo galuega lautele i tausaga taitasi.</li> </ol>



<p>auaunaga ma tupe maua mo Falemeli faaitumalo.</p>		
<p><b>3. Auaunaga Faapaaga.</b></p> <ol style="list-style-type: none"> <li>1. Sailia paaga fou faapisinisi i auaunaga o tupe faamomoli, ma faalautele avanoa e siitia ai auaunaga mo falemeli faaitumalo;</li> <li>2. Faaauau le faamalositia ma le faaleleia o falemeli faaitumalo, i ona vaega uma, ia faigofie ona maua ai ni faiga paaga fou;</li> <li>3. Faasopolia Falemeli faaitumalo, i fesootaiga initaneti, ia maua gofie lipoti ma tuuina atu auaunaga tau tupe mo nuu i tua; ma</li> <li>4. Ia saunia fuafuaga mo le faalauiloina o auaunaga i tausaga taitasi e faalauiloa ai auaunaga ma faigapaaga i le lumanai.</li> </ol>	<ol style="list-style-type: none"> <li>1. Maua ni auaunaga faaopoopo e faaogaina ai fesootaiga faaneionapo ma telefoni feavea'i;</li> <li>2. Faaauau ona faaleleia pea falemeli faaitumalo ina ia faigofie ona faatosina mai faiga paaga fou;</li> <li>3. Tuuina atu fesootaiga i initaneti mo falemeli faaitumalo, ia maua gofie ni auaunaga fou tau tupe faamomoli ma tupe totogi;</li> <li>4. Faaauau ona faaleleia faailoilo ma faalauiloa auaunaga i tausaga taitasi.</li> </ol>	<ol style="list-style-type: none"> <li>1. Ia ausia taiala tau tupe mai auaunaga faapaaga; ma</li> <li>2. Faaititi tupe gau mo le faagaioioina o auaunaga mo Falemeli Faaitumalo i Savaii.</li> </ol>
<p><b>4. Faatinoga Faaletupe:</b></p> <ol style="list-style-type: none"> <li>1. Ia ausia taiala i le fuafuaga autasi, i soo se vaega e aofia faailoilo tau upe ma faailoilo e le'o ni tupe;</li> <li>2. Ia iloilo le Fuafuaga Autasi ma taiala tulituliloa i tausaga taitasi mo suiga talafeagai; ma</li> <li>3. Usitaia taiala mai le Matagaluega e Pulea Faalapotopotoga a le Malo mo le tuuina atu o lipoti e pei ona faatulafonoina.</li> </ol>	<ol style="list-style-type: none"> <li>1. Saunia ma mataitu lipoti faaletupe i taimi uma, ma faaatino galuega talafeagai e faaititia ai aafiaga i tausaga taitasi;</li> <li>2. Sailia avanoa e faaititia ai ni aafiaga e ono le ausia ai taiala faaletupe, ma iloilo taunuuga i tausaga taitasi e tusa ma le Fuafuaga Autasi;</li> <li>3. Ia sa'o ma atoatia le sauniga o lipoti faaletupe, ma tuuina atu i taimi faatulafonoina.</li> </ol>	<ol style="list-style-type: none"> <li>1. Ausia Taiala faaletupe ma taiala e leo ni tupe e pei ona fuafuaina i totonu o le Fuafuaga Autasi; ma</li> <li>2. Ausia taimi faatapulaa mo Lipoti Faaletupe i taimi uma, ma tufatufaga totogi atu i le Malo i tausaga taitasi; ma</li> <li>3. Mautinoa e leai ni faaletonu i faamaumaga faaletupe mai Suetusi sili, ma ia mautinoa e Faamaonia Lipoti Faaletupe i tausaga taitasi.</li> </ol>
<p><b>3. Matafaioi a Faatonu</b></p> <ol style="list-style-type: none"> <li>1. Saunia le Fuafuaga Autasi ma Sini Autasi mo le Falemeli pei ona fuafuaina, ma iloilo nei fuafuaga i tausaga taitasi;</li> <li>2. Malamalama i matafaioi tauave i le ausia o faailoilo autu e pei ona faamauina i le</li> </ol>	<ol style="list-style-type: none"> <li>1. Tuuina atu le Fuafuaga Autasi ma sini autasi i le Matagaluega e Pulea Faalapotopotoga a le Malo, e pei ona faatulafonoina;</li> <li>2. Ia mautinoa e Faatonu e ausia faailoilo autu ua fatulagaina luga o</li> </ol>	<ol style="list-style-type: none"> <li>1. Ausia tupe mama faasili ma totogi atu Tufatufaga i le Malo e 35% i tausaga uma;</li> <li>2. Ausia uma taiala e pei ona fuafuaina i totonu o le Fuafuaga Autasi ma tulimataia galuega faatino a le</li> </ol>

<p>Fuafuaga Autasi, ma lel tuina tu lipoti faaletupe e pei ona aiaia ai faaletulafono;</p> <p>3. Ia usitaia soo se faatonuga mai le Kapeneta mai lea taimi i lea taimi;</p> <p>4. Ia mautinoa le faatinoina o tiute tauave faa- faatonu e pei ona aiaia ai i <i>Tulafono o Faaalapotopotoga Tumaoti a le Malo 2001 (Tulafono o le Faatinoga o Galuega ma le Mau Tali Atu 2001)</i> atoa ai ma le <i>Tulafono o Kamupani 2001</i>.</p>	<p>le Fuafuaga Autasi i tausaga taitasi</p> <p>3. Ia mautinoa o loo faagasolo galuega a le Falemeli i luga o aiaiga faaletulafono mai le Kapeneta i taimi uma; ma</p> <p>4. Faatinoina uma e Komiti Faatonu o latou tiute tauave faaletulafono.</p>	<p>Falemeli i taimi uma; ma</p> <p>3. Ia tausisia le faatinoina o fonotaga a le Komiti Faatonu e pei ona aiaia ai faaletulafono.</p>
---	---	--

## 5. FAAMATALAGA TAU TUPE

### 5.1. Faailoilo Autu a le Falemeli mo le piliota 2021-2024

#### Faailoilo Autu o Galuega 2021-2024

FAAILOILO AUTU TAU TUPE	Faamaonia e Suetusi		Fuafuaina	Fua faatatau		
	30-luni-19	30-luni-20	30-luni-21	30-luni-22	30-luni-23	30-luni-24
<i>Tupe Maua:</i>	2,016	1,412	1,465	1,734	1,812	1,893
<i>Tupe Faaalu</i>	1,500	1,336	1,320	1,486	1,571	1,649
Tupe Mama ae lei tuueseina Lafoga	516	76	145	248	241	244
Tupe mama ina ua tuueseina lafoga	455	69	121	203	198	200
Aseta i le Taimi nei	7,870	7,331	6,951	6,672	6,352	6,043
Aofaiga o Aseta	8,223	7,763	7,518	7,344	7,167	7,013
Aitalafu i le taimi nei	4,470	4,048	3,682	3,369	3,041	2,770
Aofaiga o Aitalafu	4,669	4,163	3,840	3,534	3,227	2,943
<b>Tulaga o Polofiti:</b>						
Polofiti ae lei tuueseina lafoga	26%	5%	10%	14%	13%	13%
Polofiti faatusa atu i tupe maua	23%	5%	8%	12%	11%	11%
Polofiti faatusa atu i sea	13%	2%	5%	8%	7%	7%
<b>Tinoitupe:</b>						
Faatusa i meatotino i le taimi nei	1.8 : 1	1.8 : 1	1.9 : 1	2 : 1	2.1 : 1	2.2 : 1
	30-luni-19	30-luni-20	30-luni-21	30-luni-22	30-luni-23	30-luni-24



FAAILOILO E LE'O NI TUPE	Faamaonia e suetusi					
	Fuafuaina			Fua Faatatau		
Aofai o Falemeli laiti	28	28	28	28	28	28
Falemeli Faaitumalo + Ofisa Autu	5 + 1	5 + 1	5 + 1	5 + 1	5 + 1	5 + 1
Pusameli Faaogaina	1,500	1,300	1,300	1,300	1,300	1,300
Aofaiga o Meli	130,489	104,391	83,513	91,864	101,051	111,156
Faiseā i auunaga	4	5	5	5	5	5
Faafesili i auunaga	84	50	30	25	20	15
Meli Leiloloa	0	0	0	0	0	0

## **6. Atina'e Fuafuaina mo le Piliota 2021-2024**

### ***6.1. Poloketi mo Galuega Faaleleia***

Ua fuafuaina se vaega tupe tele mo le faaleleia atili o galuega tetele, e aofia ai mea faigaluega, o fesootaiga faaneionapo ma auaunaga mo tupe maua. O le faatupeina o nei poloketi o loo ua aofia i tala o le tupe, ma nisi o poloketi ua fuafuaina e faatupe mai e le Iuni o Falemeli o le Lalolagi, e fuafua lava i fesoasoani e mafai ona faatupe mai i lea taimi i lea taimi.

1. O le faamalosia o auaunaga tau tupe – ia maua ni auaunaga fou mo Falemeli faaitumalo;
2. Faafouina o Taavale Meli – toe faafouina o le taavale o loo i ai nei;
3. Faatauina o le taavale mo auaunaga lautele - faafouina o taavale e auaua'i, e fua lava i tausaga na faatau mai ai;
4. O faafouina o masini komipiuta ma sootaga i auaunaga - tele o masini na faafouina i le tausaga 2019 ma le 2020
5. O le faafouina o taavale meli e 3 – ia o gatasi ma le tausaga e tatau ona faafou ai nei taavale meli, ia na tuuina mai e le Iuni o Falemeli o le Lalolagi i le tausaga 2019

### ***6.2. Faatupeina o Galuega Tetele***

Ua faatulagaina galuega tetele e faatinoina ma lona faatupeina, ia mautinoa e faaleleia mea faigaluega, taavale, masini ma fesootaiga faaneionapo, ina ia ausia taiala ua faataatitia mo le piriota.

***O lenei fuafuaga a le Falemeli ua aofia i totonu o faamatalaga tau tupe o lenei piriota, e pei ona faaalua atu:***

	<b>Poloketi Faatino</b>	<b>Tausaga</b>	<b>Tau fuafuaina</b>	<b>Faatupeina</b>
1	Auaunaga Tau tupe Faapaaga	2021	\$200,000	Falemeli
2	Faataina o le Taavale Meli Faaleleia o Falemeli Faaitumalo (E tali atu ai i Suiga o le tau)	2022	\$120,000 \$200,000	Falemeli Iuni o Falemeli o le Lalolagi
3	Faafouina o le Taavale SPL 01	2023	\$120,000	Falemeli
4	Faafouina o Masini Komepiuta ma fesootaiga faaneionapo	2023	\$100,000	Iuni o Falemeli o le Lalolagi
5	Faafouina o Taavale meli e 3 (3 @ Greta)	2024	\$240,000	Falemeli
	<b>Total Investment</b>		<b>\$560,000</b>	

## 7. Lagolago i Faiga Fa'avae a le Malo o Samoa

E faaauau pea ona mulimulitaia tulafono faatonutonu ai galuega a le Falemeli o Samoa, e aofia ai le Tulafono o Meli 2010, ma lagolago Taiala a le Malo ina ia siitia auaunaga mo nuu i tua, ma maua ai tupe mama e faagaioioi ai lava falemeli faaitumalo. Ua fuafuaina foi e siitia auaunaga tau tupe faamomoli, e lagolago ai polokalame a le Malo, mo le siitia o tagata i galuega faavaitaimi i atunuu mamao. O nei foi taumafaiga, e mafai ai ona siitia le soifuaga lautele o tagata, ma maua uma e tagata auaunaga tau tupe i nuu i tua.

O le luitau tele o le lē ausia ai lea o faailoilo tau tupe ma faailoilo e leo ni tupe i lenei piriota atoa ona o aafiaga i le tamamoaga, o suiga o le tau aemaise o faamai e pei ona faamatalaina atu. O le itu faigata, ona o le le mafia ona iloa le taimi e tutupu ai nei aafiaga, ae telē se afaina o tulaga faaletupe e le gata pe ā aafia i tatou i Samoa nei, aemaise foi oa matou paaga faapisinisi i atunuu mamao. Ua faatulaga foi fuafuaga ina ia faaititia le afaina i taimi o faalavelave tutupu faafuasei faalenatura, e pei o faiga faavae, ma fesootaiga ma le Iuni o Falemeli o le Lalolagi, mo fesoasoani e tali atu ai ma faaititia aafiaga mai nei faalavelave faalenatura tutupu faafuase'i.

## **8. O afiaga ma Auala e Faaititia ai**

E maualuga le tulaga e ono lē ausia ai fuafuaga faatatau ua faaalia i lenei Sini Autasi, ona o ni aafiaga i le tamaoaiga, o fesuiaiga o le tau, ma mala faalenatura e aofia ai faamai pipisi, e pei ona aafia ai Samoa ma le lalolagi atoa. O nei aafiaga e lē mafai ona iloa i le taimi nei, ae matua ogaoga aafiaga tau tupe a le Falemeli, pe a aafia si o tatou atunuu, aemaise le aafia ai oa matou paaga faapisinisi i atunuu mamao.

Ua faatulaga foi taumafaiga e tali atu ai i nei faafitauli, pe a tulai mai. Ua i ai foi sini autu ma taiala e faaititia ai nei aafiaga, e aofia ai le galulue faatasi ma le Iuni a Falemeli o le Lalolagi, ini fesoasoani e tali atu ai i aafiaga i faalavelave faalenatura. Ua saunia foi taiala e faatonutonu ai galuega faatino, ma le aufaigaluega galulue faapitoa i taimi e tulai mai ai faalavelave faafuasei. O nei taumafaiga uma, e siitia ai le tali atu i faalavelave faalenatura, ina ia vave ona toe faafoi galuega i tulaga masani, aemaise o le puipuiiga o galuega tau meli, ma le saogalemu o le aufaigaluega.

## 9. FUAFUAGA MO TUFATUFAGA

O tufatufaga mo le Malo ua faamauina i se tulaga maualalo faatusa atu i le tausaga 2019. O lenei tulaga e afua mai i aafiaga tau tupe o le Faama'i o le Koviti 19, ma le tapunia le tumau ai o auaunaga tau meli, mo se taimi le mautinoa.

Piriota	Tufatufaga Mo le Malo (35% o Polofiti ina ua maea tuueseina lafoga)	Faagaaga totogi mo le Aufaisea	Tuuina atu o Ripoti	<u>Taimi e totogi ai i le Malo</u>	
				Faavaitaimi Mulimuli	Totogi
2019	\$159,414	17%	Setema 2019	Fepuari 2020	Aukuso 2020
2020	\$24,000	2%	Setema 2020	Fepuari 2021	Aukuso 2021
2021	\$42,000	5%	Setema 2021	Fepuari 2022	Aukuso 2022
2022	\$71,000	8%	Setema 2022	Fepuari 2023	Aukuso 2023
2023	\$69,000	7%	Setema 2023	Fepuari 2024	Aukuso 2024
2024	\$70,000	7%	Setema 2024	Fepuari 2025	Aukuso 2025